

癸亥春并

盧鴻侯氏

汪疎生自題

自序

雪鴻淚史出世後余知閱者將分爲兩派愛余者爲一派訾余者又爲一派愛余者之言曰此枕亞之傷心著作也訾余者之言曰此枕亞之寫真影片也愛余者之言余不能不感訾余者之言余亦不敢不承何也無論其爲愛爲訾皆認余爲有情種子也余之果爲有情種子與否余未敢自認而人代余認之則余復何辭輓近小說潮流風靡字內言情之書作者夥矣或豔或哀各極其致以余書參觀之果有一毫相似否豔情不能言而言哀情普通之哀情不能言而言此想入非非索寞無味之哀情然則余豈真能言情者哉抑余豈真肯剪綠裁紅搖筆弄墨追隨當世諸小說家後爲此旖旎風流悱惻纏綿之文字聳動一時庸衆之耳目哉余所言之情實爲當世興高采烈之諸小說家所吐棄而不屑道者此可以證余心之孤而余書之所以不願以言情小說名也余著是書意別有在腦筋中實並未有小說二字深願閱者勿以小說眼光誤余之書使以小說視此書則余僅爲無聊可憐隨波逐流之小說家則余能不擲筆長吁椎

心痛哭昔有苦吟者之詩曰二句三年得一吟雙淚流知音如不賞歸臥故山秋余願
卽借此二十字以題余書并質閱者

乙卯十二月二十日東海三郎自序於滬濱之望鴻樓

雪鴻淚史總目

自序

題詞

例言

第一章 己酉正月

第二章 二月

第三章 閏二月

第四章 三月

第五章 四月

第六章 五月

第七章 六月

第八章 七月

第九章 八月

第十章 九月

第十一章 十月

第十二章 十一月

第十三章 十二月

第十四章 庚戌正月至六月

題跋三首

崇明徐吁公

春機織得相思鳥。春風吹綠。斷腸草落花時節。送春歸。白怨紅愁。梨花老。梨花滿院。悄閉門。臨邛酒醉。近黃昏。儒冠誤似犢鼻褌。琴心閒撥。月下魂。可憐玉鉤斜畔。路麤麤。誰種合歡樹。三郎恩重。美人輕。李死桃殭。風日莫重。燕當初劫。餘灰秋墳。鬼唱空徘徊。粉痕界楮血。殷朱千古癡人眼。淚陪

浮塵過客

狂風怒雨撼乾坤。絕少生花江筆存。冷眼倩人揮熱淚。壯心終自阻銷魂。世衰賈傅才何用。書著虞卿愁更繁。本性真情餘幾輩。喚醒兒女仗名言。入間何地住紅裙。離合悲歡慘澹聞。一什關雎翻別調。雙飛彩鳳敢同云。琴心覺到文君誤。劍氣欣從俠士分。幾事而今非淚史。空教山鬼哭秋墳。

虞啓徵

人間無計相迴避。恨不初逢未嫁時。一死能完兒女節。半生且了夢魂癡。月圓花好宜
郎壽。玉碎香銷豈妾期。儂欲懺情情不斷。英雄自誤誤蛾眉。
自鎖葳蕤春意消。不將豔曲譜文簫。餘生已分紅情斷。有客還來綠綺挑。玉女丰懷霜
後菊。美人心事雨中蕉。願移舊愛移新寵。甘伴明珠慰寂寥。

劍影

俠骨癡情累此身。相思無復問前因。寂寥夜月埋香塚。惆悵斜陽送別人。一劍血花欣
馬革。三生紅粉感征塵。蓉湖啼鳥鴻山柳。司馬傷心卓女顰。
英雄殉劫蛾眉死。一樣癡情付水流。家國無緣驚客夢。海天何處問歸舟。風寒大漠新
狐泣。血冷中原暮鬼愁。幾度秋聲幾回首。敢書時憤弔骷髏。
莽莽風波渺渺春。天涯遺恨楚萍身。犧牲碧血酬知己。慷慨黃泉哭故人。鄂渚怒雲欣
逐鹿。沙場浩劫歷飛塵。死生一卷哀鴻史。閱盡滄桑幾苦辛。
梨魂筠淚淒涼夢。落葉殘花劫火灰。端合鴻山酬俠女。偏教鸚水妬英才。斜風細雨藏
詩閣。枯草垂楊掛劍台。鏡裏姻緣成泡影。斷磚遺骨在蒼苔。

用枕亞自題玉梨魂原韻

武進劉穀蓀

蓉湖一水路。迢迢梨白筠。青恨未銷名。士多留倩女。影新詞。莫唱念奴嬌。因防禮義難。同夢非爲功名始。折腰李代桃。殭空有願。夢魂夜夜度藍橋。我亦傷心鬢已絲。年來難覓合歡枝。守身如璧甘淪絕。立志兼金豈等差。詠絮才華誰比擬。葬花心事莫能知。從今普告癡兒女。刻骨相思無盡期。梨花香塚已無存。風雨年年獨閉門。殉國殉情甯惜死。多情多病自忘言。鴛盟未許今生訂。鸞帕難招異日魂。一讀殘編一淒絕。最難消受是黃昏。花落春歸剩一亭。眞娘豔跡幾曾經。青陵幽怨向誰說。黃鵠歌成未忍聽。玉隕香銷剛六月。含情忍淚看雙星。詩詞評語題名徧。淚史流傳萬古青。

南沙蔣滄海

乾坤巨眼失崑崙。去果前因莫再論。蕉葉有心留恨史。梨花無語鎖啼痕。春風枉切莊生夢。夜月還歸荊女魂。一樣蛾眉偏薄命。荒江歲歲泣文鴛。昔日詞壇有勝兵。只今說部擅才名。天教彩筆傳鴛譜。魂斷靈犀絕鳳城。羅襪霓裳悲

杜宇玉樓金谷渺雲英傷心莫展畫圖問我讀斯篇淚亦傾

瘦竹

嫠婦心懷孤客影相憐同病益淒涼茫茫世事天胡醉皎皎丹心日有光塵夢漸隨鄉
夢老愁苗並逐愛苗長狂瀾倒處吾能挽情史千秋姓字香
愈經挫折愈纏綿朗澈晶瑩燭大千一點精誠貫金石三生誓約薄雲天癡心猶欲逃
情劫苦海誰能了夙緣如此關頭真險惡空空色色問何年

蜀南太瘦生

兒女相思總惹愁夢魂梨影更悠悠飄零幻海誰青眼顛倒情場孰白頭天意難回歌
當哭塵緣已盡死方休可憐一現曇花後博得人間雙淚流
都向愁城寄此身相逢何必問前因明知此境終成幻偏把儂心示與人事到強爲多
兩敗情如可憊總難真三千淚史從頭看鴻爪雪泥盡作塵
乞得三生石上盟天心無那不公平忍將慧業期來世反被多情誤此生歌哭無端終
侘傺文章賈禍是聰明緣慳命薄淒涼甚一枕梨雲夢未成

羞向俄眉說報恩。只將哀怨細評論。由來兒女情關險。不願風流姓字存。蝶夢驚風多失意。梨花帶雨總銷魂。卽今一部傷心史。知是墨痕是淚痕。

張慶霖

一卷新詞萬恨攢。孽河刻刻有驚湍。梨魂已是長生怨。淚史重翻絕命瀾。紅豆種成憐月缺。綠章奏罷惜花殘。佳人小傳才人筆。挑盡蘭燈不忍看。

天愁生

傷情畢竟是傷春。同是天涯淪落人。紅袖留痕離恨舊。青衫弔影客愁新。一池綠水君多事。古井生波卿有因。善病工愁難自勝。相思相慕夢中身。春風容易慝吾思。半作情緣半作癡。冷月淒烟傷心色。淚花血絮斷腸詩。相如客裏都成病。織女銀河更可悲。留得埋香遺塚在。幽魂夜夜繞殘碑。

勵生

斷腸詞句欲低徊。淚史題名無限哀。雪印鴻痕何處覓。蛛絲馬跡爲誰來。情天未補媧皇拙。海恨難填精鳥猜。別有傷心恠憔悴者。辛夷零落長莓苔。

劍魂

笑煞何生好夢賒。情絲攬起亂如麻。啼殘杜宇凝成血。哭罷鮫珠散作霞。醇酒婦人自
古爾。柔情俠骨有誰耶。只今天少長生藥。醫偏人間短命花。
只爲多情葬落英。一場慘史所由成。好花解語都成夢。紅粉憐才惟有卿。萬劫不磨情
一字。期年贏得泪千行。知君別有傷心在多謝。金吾鍾愛情。
長夜漫漫迄未明。自由侵奪恨難平。漫將怨偶成嘉偶。未必前生訂此生。孤雁聲聲都
怨泪。六歌字字盡哀鳴。含沙射影心何忍。嫂氏當年太不情。
(梨娘)

姚民哀

淡煙疎柳罩池塘。病蝶涼蟬憶夢鄉。不是恨人誰解得。一編新著費商量。
別夢離魂斷客情。笙簧百轉恨流鶯。借澆塊壘人間有。豈獨傷心阮步兵。
明月空堂憶所思。窮居煢獨不勝悲。錦茵苫席都嘗遍。最是躊躇下筆時。
筆精墨妙寫吳姝。嘔盡心肝亦太愚。記事繫年陳迹杳。煙雲過眼有還無。
文雅縱橫親手刪。裁冰翦雪淚潛潛。憐君又入梨雲夢。盼斷蓉湖水一灣。

作嫁年年壓線鍼。天涯同一是傷心。可憐銷盡輪蹄鐵。讀罷絃囊感慨深。

集疑雨集句

樵漁

誰教傾國更憐才。恰羨頑癡福分來。長日臥多宵不寐。情交總自慧心開。
掩關多病獨吟身。暫見花間滴淚頻。燈下有時思夢笑。泣看圖畫叫眞眞。
綽約還同未嫁年。倍添今日淚綿綿。情鍾我輩難忘處。青鳥閑將病耗傳。
爲傳音問與蕭娘。密訊紅箋日幾張。料得似儂愁絕在。獨揩清淚兩三行。
徐淑題詩病甫輕。掃眉才子更無卿。開函喜見翩翩字。更近殘燈一看明。
自許單棲燕子樓。霎時知遇半生愁。春心久作寒灰死。命薄難將一願酬。
燕妬鶯猜卒未休。返魂續命亦人謀。閣中碧玉誰人識。只願蓮開是並頭。
底樣酬郎一片心。剩餘殘骨付哀吟。狂心於此何能已。值得蕭郎到死尋。
定知名士悅傾城。未稱瓊漿一飲情。我已自知生趣短。不辭辛苦爲雲英。
染得衾斑似竹鮮。莫教齎恨下黃泉。思量却被歡情誤。心似遊絲百尺牽。

半山舊主

蕊珠宮裏瑞芝香，花覆濃陰硯席傍。
百計千思來作合，枉拋心力劇無常。
古皇山畔草芊芊，青塚佳人絕可憐。
月似梨花花似月，芳魂隨月照君邊。

楊陞雲

鬱往深愁解不開，天公有意厄奇才。
不圖小小埋香塚，引起情場慘劫來。
已被柔絲一縷牽，愈思解脫愈纏綿。
心猿縱有千般巧，逢此情魔也惘然。
不能自處欲全人，疑思天開選替身。
爭奈癡郎癡到底，祇將一死報情真。
千古名言說至情，情深不必果圓成。
是誰曠達是誰戀，澈底翻騰辨不清。

萬幼新

文明怕說自由婚，錯認良緣已斷魂。
一念癡迷惟誓死，誤人誤己兩含冤。
孽緣應自悔當初，繆緒無端嘆索居。
曲譜求凰心未死，文君不怨怨相加。
偏從學界誤青年，情到癡時命易捐。
若未成名先喪志，好姻緣是惡姻緣。
相思兩地尚冰清，幾度心期竟未成。
卿自死情儂死國，莫嫌身後欠分明。
佳人才子逝悠悠，廢宅滄桑感舊遊。
豔福由來成禍水，休將奇遇詡風流。

淚草曾題無限哀。重摹粉本費清才。徐陵自有如椽筆，新詠今堪續玉臺。

江夏寶琛

生涯黯淡強依人。遭際何緣感夙因。祇爲殘宵花濺淚，一輪明月照愁顰。
淒涼膩友正相和。匝地風液起愛河。鍊石無方天莫補，爾勞我怨付悲歌。
眼底滄桑種種哀。錯將心事訴妝臺。孽生夙世雖爲數，陷入愁城不易回。
埋香埋玉種情根。杜宇啼紅有淚痕。失足沉淪渾不悟，好將骨肉報君恩。
坐嫌力弱倩人扶。燭影搖紅玉骨臞。兩字祇餘情恨在，生離死別各分途。
牢縛蠶絲已不堪。鑄成痛史血斑斑。竟因壯志扶搖語，彈雨槍林破素顏。

奉天陳景堯

重翻新樣好文章。一話前情一斷腸。墨瀋淚痕渾不辨，傷心豈獨有江郎。
埋香塚畔月孤明。滿地梨花任落瓊。東渡聊償知己願，豈因名利便偷生。
蓉湖風月兩悠悠。一局殘棋帶淚收。往事不堪回首處，淒涼黯淡醉花樓。
漫說鍾情便是癡。相逢能有幾相思。姮娥不靳長生藥，舉世應無薄倖兒。

少年衰颯恐非宜。淒絕江郎筆一枝。三復雪鴻新淚史。令人腸斷想情癡。
身世飄零淚滿襟。客中偏有惜花心。那知繡閣憐才意。惹起相如一曲琴。
夢魂顛倒醉花樓。青鳥傳書互唱酬。名士美人無限意。可憐福慧未雙修。
緣慳空喚奈何天。別鵲離鸞我亦憐。君自多情儂薄命。傷心缺月總難圓。
桃僵李代了情緣。因愛生憐計萬全。演出家庭悲慘劇。天長地久恨綿綿。
沙場畢命一身輕。耿耿此心願殉情。優孟衣冠彌缺陷。夢圓差足慰書生。

民興社演玉梨魂有夢圓一幕

笑影室主

影裏梨花夢裏霞。花飛霞散事堪嗟。當年堪葬殘英日。早把癡情個裏賒。
由來紅粉總憐才。造物何心付劫灰。休羨文君司馬事。終身已垢不勝哀。
作繭春蠶總自纏。青衫紅粉鎖相憐。多情要以禮爲限。咫尺天涯夢若烟。
四行血淚澆香塚。萬縷情絲繞寸心。一點靈犀誰解得。詩詞都是斷腸吟。
芳情寂寞到黃昏。滿地梨花更斷魂。淚醺臙脂紅雨冷。斜陽淡月掩重門。

薄福如儂原薄命。多才若子更多情。傳來綠簡腸將斷。和去新詩眼不晴。

茗溪潘幻影

淒絕三郎筆。一枝兩番一樣寫哀思。却悲個裏因緣誤。何不相逢未嫁時。
孤燈幽恨繞窗紗。枉自多情惜歲華。一陣杜鵑哀瀉血。晚風吹月照梨花。
春花秋月自年年。作嫁爲人絕可憐。怪煞個儂無賴甚。傷心同戴奈何天。
佳人雙殞怎淹留。到死情懷不自由。且向扶桑償素志。一番小劫憶從頭。

古越倪少白

今年春比去年遲。開到梨花帶雨時。底事書生慳豔福。由來一幅斷腸詞。
青衫紅袖兩相憐。都被情絲一縷牽。却怪風姨頻肆虐。名花凋謝綠窗前。
西風黃葉雁迢迢。夜坐書窗魂暗銷。處世淒涼誰似女。深閨猶有可憐宵。
美人名士兩跼蹉。總是前身孽債多。千古風流同一哭。生離死別恨如何。

古越汪春樵

姑嫂雙雙一樹花。淒風何事苦交加。可憐零落無人惜。爲有江南何夢霞。

潦倒風塵百事哀。滿腔熱血盡成灰。客中徧寓無情處。深院梨花帶雨開。
情天淚雨落深閨。病骨懨懨瘦不支。事到於今難省悟。癡心猶有苦相思。
青衫染淚千秋濕。紅粉憐才萬古香。一曲琵琶彈不得。猶悲同調感瀟湘。

蘇恨仙

一腔哀怨託蠻箋。墨淚生涯大可憐。月自常圓天不老。空教恨事待人傳。
風月何曾惹夢霞。不堪腸斷玉梨花。只緣小把琴心誤。香塚蓉湖又一家。
嬌閨冷月夢如烟。止水心同古井泉。可奈何。郎癡太甚無端抵死把人纏。
桃既摧時李亦僵。空餘噩夢到鴛鴦。虛名賺得千行淚。撒手還難熱一場。
白璧生愁着點瑕。情能禮義最堪嗟。都拚一死酬知己。願結來生並蒂花。
無緣何必更相逢。孽鏡臺開到幾重。搔首問天天不語。巫山十二白雲封。

王吟雪

兒女情腸亦太癡。英雄肝膽劍相知。那堪啼鳥聲聲裏。忍讀卿卿絕命詞。
底事干卿拚命寫。教人無語暗銷魂。埋香賸有多情骨。含恨猶餘血淚痕。

集句

樵漁

獨在異鄉爲異客王維

藥囊詩卷是生涯宋賀

情鍾我輩難忘處王次

此恨綿綿無絕

期白居易

耿耿殘燈背壁影白居易

幾回偷看畫圖來王次

江州司馬青衫濕白居易

夜半分明到鏡

臺王次

願作貞松千歲古劉希夷

眞成薄命久尋思王昌齡

紅箋漫有千行字裴羽仙

恨不相逢未嫁

時張籍

無邊妬眼憎情眼王次

欲采蘋花不自由柳宗元

長日臥多宵不寐王次

他生未卜此生

休李商隱

惟有感君珍重意王次

小姑居處本無郎李商隱

不如意時常千萬陸游

雲南巫山枉斷

腸李白

花影一闌吟夜月殷堯

情癡自信定非癡王次

春風無限瀟湘意柳宗元

恩重眞拚命一

絲王次